

ceano occidentali, Carstanum portum tutissimum, salutis ergo, inter fauces hujus freti impelluntur. Moris est quibusdam nautis, in has angustias coniectis, quo fluctus pugnant inter se, & inter conflegendum in calum quasi ipsum adscendentes, aliquo modo tranquilluntur, olei nonnihil in frontem undarum conijcere, unde statim consequitur quædam motarum undarum sedatio, navisque prima, divina gratia, salva difficultatem exsuperat: sed, eheu, ab hoc oleo ilico post, multo saevius redditur mare, naves alias priorem pone sequentes, sine ulla commiseratione, hianti quasi ore deglutit.

GRAEMSA.

In hoc freto jacent quædam insulæ; primaria est Graemsa medio fere cursu inter Hoiam & Pomonam, duo prope milliaria longa, & ultra dimidiatum milliare alicubi lata; humilis, scopulis undique præcineta, frugum, graminis, fœni, cuniculorum fertilis, ut & piscibus hamo ducendis non incommoda. Glebis ex ericeto Clestran, (in Pomona quod est non longe à Graemsa) & ex Hoia allatis, Graemsa incolæ utuntur. Adornata est hæc Insula Domitilio, non adeo quidem magno, sed venustissimo, & communi omnium cum Orcadensium ipsorum tum Peregrinorum eo adventientium, receptaculo. Hujus, ut & templi, in Hoia quod est, curam obit unus tantum pastor. Hinc ad Orientem paululum est Holma & Carstan, satis ampla & herbida, & ex adverso inde ad boream jacet portus celeberrimus, amplissimus & navibus, undique & quomodoque spiret ventus, tutissimus; varia prope portum ædificia, & tabernariæ domus, ubi navicularioribus & extraneis eo venientibus, omnia esui & potui necessaria, modico sumptu, optime suppeditantur.

Holma
Karstan.

CAVA.

Infra Holmam Carstanam, ad orientem, non procul, jacet Cava insula modica, erica fere tota oblecta, sed piscationi commoda, avibusque marinis multifariis, una vero præcipue (quam Indigenæ vulgo τὸ Τύστ appellant) eaque præpingui & parva, frequentata.

RYSÄ.

A Cava circiter duo milliaria, meridiem versus, prope promontorium Hoia, (vulgo Cruiknes dictum) sita est Rysä insula, exigua illa quidem sed frugifera & herbida, nec variis, prout patria fert, suis commodis vacua. De Coupinsa paulo post loco commodiore dicemus.

POMONA.

Atque hæc de Orcadum insulis australibus dicta sint. Inter Australes & boreales Orcadum insulas, jacet omnium insularum Orcadensium maxima, longitudine & latitudine. Latine Continens, ab incolis Orcadum (*the Mainland*) & nomine multis doctis, sed non Indigenis Orcadum cognito, Pomona vocatur. Nominis ratio non proditur, nisi quis putet κατὰ ἀντίφρασιν, à pomis, quæ nulla in ea cre-

scunt, sic vocatam. Paret in longum viginti quatuor millia passuum, in latum alicubi novem, alicubi sex milliaria.

Tota hæc Continens seu Pomona excurrit in varia promontoria, (promontorium autem Scoticè Nes vocatur.) Vna pars Pomonæ ab illo Cervorum genere Platycerotes qui appellantur, nomen habet, Deernes (idque promontorium Platycerotum) fama enim adhuc apud Orcadenfes est, totum illud spatium, quod nunc Deersound (vulgo Dirtsound) vocatur, usque ad Tankernes, aliud nempe promontorium occidentem versus, è regione, majore nunc interjecto, non procul situm, terram fuisse herbidam & silvosam, in qua Platyceros olim & natus & vixit. Quam vere dicatur hoc, ipsi viderint assertores. Platycerotes vero fuisse olim (jam enim nullus illic est) in Orcadibus, ex eorum cornibus, ex visceribus terræ effossis, est extra dubium. Deernes peninsula est: non procul enim à domicilio Domini de Campston locus est arenosus, sed angustus, isthmus verus & nativus, inter mare ad occidentem æstivum, & mare in septentriones spectans: quo isthmo effosso (quod facile industria humana fieri posset) Deernes, à Pomona, cui adhæret, dirimiretur, & in Insulam per se unam, eamque elegantissimam (ut est pars Pomonæ peramcena) converteretur. In Deernes est promontorium præarduum, quod Orcadum incolæ *the Moule* (sic enim efferunt, non *the Mule*) of Deernes, quasi rostrum vel rictum τὸ Deernes, nuncupant. Præterlabitur promontorium hoc æstus violentissime, ex mari ab oriente æstivo incitatus, verum hyemali tempestate validius, si spiret ventus, à prædicta plaga, ô bone Deus, quales, quantique undarum moles inter se configunt, inque altum, supraque longe promontorium ipsum elevantur, adeoque,

— Mare nunc spumis candentibus astra laceßit,
Et nunc tartareis subsidit in ima barathris:

Eundemque in morem naves aut scaphæ in hunc æstum illapsæ, pro arbitrio fluctuum exagitantur,

Callida nec cani jurat ars aut cura Magistris,
in tali angustia: sed Deus miserator providit Naustathmum vicinum, innumeris navibus capiendis & salvandis, commodissimum, Deersound (id est, Platycerotum sinum) nuncupatum.

Hic etiam ultra mille, ab isthmo, est illustre habitaculum (vulgo *the New-work of Deernes*, id est, nova fabrica Deernenfis) Illustris Comitæ Carriæ, in vivis dum esset, commemorandi locus unus. Indeque Orientem hibernium versus non procul jacet

Coupinsa insula modica, qua Orientalem Oceanum Germanicum intuetur, rupibus ardua; qua vero Insulæ Burræ (unde fere duo millia-

Deernes.

COUPINSA.